

Yiu di San Nicolas ta kere den San Nicolas Minister Mike de Meza ta felicita Claudius Philips cu apertura di D2I



Minister Ing. Mike de Meza tabatin e placer di bishita e conocido musico, multifacetico, Carnavalista y "yiu di San Nicolas", esta Claudius Philips, na su establecimiento nobo na San Nicolas prome cu su apertura oficial, cual ta tuma luga diabierna awo. D2I, un abreviacion pa "Dress to Impress", ta un club bunita y di clase halto cu ta ofrece un tremendo ambiente, e mandatario a comenta despues di su bishita. Minister De Meza a expresa su admiracion pa e empresario, kende ta entre e prome nan haciendo uzo di e beneficicionan fiscal di e "zona economico" special diseña pa

gobierno di Aruba ya caba durante Gabinete Mike Eman I, cu ta hayando contenido durante e periodo di gobernacion actual. E Minister encarga cu e carteraan di Asuntunan Economico, Comunicacion, Energia y Medio Ambiente, kende tambe ta un "yiu di San Nicolas", a bisa cu ta "echt great" cu un yiu di San Nicolas tin e confiansa y ta dicidi di habri un negoshi na momento cu ta bisto cu San Nicolas tin su retonan, pero tambe oportunidadnan. Pero, Minister De Meza a subraya, Claudius Philips ta hopi conoci y gusta rond Aruba y hopi hende a laga sa cu nan ta

hopi contento cu Claudius ta habriendo un club y e por spera nan apoyo completo. "Keep going! Do what you do best!" Minister Mike de Meza a expresa den direccion di Claudius Philips cu un "masha pabien" di curason. "Nos tur ta kere den dje," el a afadi, satisfecho cu di su banda Claudius tambe ta kere den San Nicolas, ta mira e potencial y ta presentando un producto di calidad aki. Cu introduccion di e programa di incentivo fiscal pa e area di San Nicolas te na Marinierskazerne na Savaneta, e interes pa establecimiento di negoshinan na San Nicolas a crece considerable-



mente. Medio 2013 Minister Mike de Meza a organisa dos evento pa introduci y splica e incentivanan aki, cual a haya masha hopi atencion y a conta cu un publico grandi. E eventonan cu a hiba e titulo "Bin establece bo negoshi na San Nicolas" a conta cu presencia di comerciantenan y personanan interesa pa bira comerciante den e area, pero tambe personanan cu ainda no a dicidi unda nan lo establece nan negoshi. Expertonan fiscal a splica e incentivanan den detaye, cual ta conta tanto pa negoshinan existente y negoshinan nobo cu ta cumpli cu e requisitonan. Gobierno a cuminsa y ta

siguiendo cu e proceso di bin cu mehoracion den e infraestructura di e centro di ciudad di San Nicolas y tin diferente proyecto di renobacion Urbano den "pipeline" pa e area aki. E "zona economico" ta diseña pa fomenta establecimiento di negoshi na San Nicolas, cual lo yuda move comercio y industria aki pa tempo largo. Gobierno di Aruba ta motiva y encurasha tur persona interesa pa habri un negoshi na Aruba pa sondea tur e posibilidad y oportunidadnan y pa sigur considera e centronan di ciudad pa asina ta parti di e proceso di renobacion y desaroyo sumamente positivo cu ta tumando luga na Aruba.